

II Površ i u prostoru

7 Definicije površi i jednačine površi

Površ S ($S \subseteq \mathbb{R}^3$) se zadaje parametarski na sljedeći način:

$$S : \begin{cases} x = x(u, v) \\ y = y(u, v), & (u, v) \in \Delta; \\ z = z(u, v) \end{cases}$$

(skalarni oblik), ili

$$S : \vec{r}(u, v) = (x(u, v), y(u, v), z(u, v)),$$

(vektorski oblik), gdje je Δ dvodimenzionalni povezan skup u ravni uOv , a $x(u, v)$, $y(u, v)$, $z(u, v)$ su funkcije dvije promjenjive koje su diferencijabilne, injektivne (ili 1-1) za koju vrijedi da je $\vec{r}_u \times \vec{r}_v \neq \vec{0}$ gdje je

$$\vec{r}(u, v) = x(u, v)\vec{i} + y(u, v)\vec{j} + z(u, v)\vec{k}.$$

Ostali oblici jednačina površi S su

$$S : z = z(x, y), \quad (x, y) \in D \quad (D \subseteq xOy)$$

(eksplicitni oblik);

$$S : F(x, y, z) = 0$$

(implicitni oblik).

1. Ravan $z = 0$ napisati u parametarskom obliku. Poslije toga istu ravan napisati u obliku

$$\{\vec{a}\lambda + \vec{b}\mu + \vec{c} \mid \lambda, \mu \in \mathbb{R}, \vec{a}, \vec{b}, \vec{c} \text{ neki konstantni vektori}\}.$$

2. Ravan $x + y = 0$ napisati u parametarskom obliku. Poslije toga istu ravan napisati u obliku

$$\{\vec{a}\lambda + \vec{b}\mu + \vec{c} \mid \lambda, \mu \in \mathbb{R}, \vec{a}, \vec{b}, \vec{c} \text{ neki konstantni vektori}\}.$$

3. Posmatrajmo jednakost

$$\vec{r} = \{u \cos v, u \sin v, (k^2 - u^2)^{\frac{1}{2}}\}.$$

Koju površ ova jednakost predstavlja? Odrediti koordinatne krive $u = \text{const.}$ i $v = \text{const.}$ Dati geometrijsko tumačenje parametara u i v .

4. Date su površi Γ i kriva L :

$$\Gamma : \vec{r} = \{u \cos v, u \sin v, au\}$$

$$L : \vec{r} = \{e^t \cos bt, e^t \sin bt, ae^t\}$$

gdje su a i b proizvoljne konstante.

(a) Napisati jednačinu površi Γ u obliku $F(x, y, z) = 0$.

(b) Dokazati da kriva L leži na površi Γ . Na kom njenom dijelu?

(c) Dokazati da je u proizvoljnoj tački na L ugao između L i v linije koja prolazi kroz tu tačku, konstantan.

[Odg. za 1: $x = \lambda, y = \mu, z = 0, \lambda, \mu \in \mathbb{R}; \{(1, 0, 0)^\top \lambda + (0, 1, 0)^\top \mu \mid \lambda, \mu \in \mathbb{R}\}$
[Odg. za 2: $x = \lambda, y = -\lambda, z = \mu, \lambda, \mu \in \mathbb{R}; \{(1, -1, 0)^\top \lambda + (0, 0, 1)^\top \mu \mid \lambda, \mu \in \mathbb{R}\}$